

SOALAN NO: 209

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR S. SUBRAMANIAM
MENTERI KESIHATAN MALAYSIA**

PERTANYAAN : **JAWAB BERTULIS**
DARIPADA : **YB DR. AZMAN B. ISMAIL [KUALA KEDAH]**
TARIKH : **:**
SOALAN : **:**

YB Dr. Azman Bin Ismail [Kuala Kedah] minta **MENTERI KESIHATAN** menyatakan statistik terakhir malnutrisi pada kanak-kanak mengikut negeri-negeri di Malaysia. Berikan mengikut tahap malnutrisi, julat umur, jantina, bangsa dan kumpulan sosio - ekonomi.

Tuan Yang di-Pertua,

1. Berdasarkan hasil Tinjauan Kesihatan dan Morbiditi Kebangsaan (*National Health and Morbidity Survey, NHMS*) terkini tahun 2015 yang dijalankan oleh pihak Kementerian Kesihatan menunjukkan status malnutrisi dalam kalangan kanak-kanak berumur di bawah 18 tahun di Malaysia adalah, 13.0% mengalami kurang berat badan, 13.4% mengalami masalah terbantut dan 11.9% mengalami masalah obesiti.

2. Dalam NHMS 2015, negeri Pahang menunjukkan prevalen kurang berat badan tertinggi iaitu 17.1% sementara prevalen terendah adalah negeri Pulau Pinang (5.6%). Bagi masalah terbantut, negeri Kelantan dan Pahang menunjukkan prevalen paling tinggi (18.2%) dan Pulau Pinang juga menjadi negeri yang menunjukkan prevalen terbantut paling rendah iaitu 6.4%. Wilayah Persekutuan Kuala Lumpur adalah negeri yang tertinggi bagi prevalen obesiti (19.4%) manakala negeri Sabah menunjukkan prevalen paling rendah (8.0%) (Maklumat lanjut seperti di Lampiran A).
3. Prevalen kurang berat badan (14.9%) dan terbantut (16.8%) adalah lebih tinggi di kawasan luar bandar berbanding di bandar manakala prevalen obesiti (12.1%) adalah lebih tinggi di kawasan bandar.
4. Statistik malnutrisi mengikut jantina menunjukkan prevalen kurang berat badan (13.8%) dan obesiti (13.6%) adalah lebih tinggi di kalangan kanak-kanak lelaki sementara masalah terbantut (14.1%) lebih tinggi di kalangan kanak-kanak perempuan. Berdasarkan julat umur pula menunjukkan prevalen kurang berat badan (13.6%) dan obesiti (14.8%) adalah lebih tinggi pada umur 5 - 9 tahun sementara masalah terbantut (17.7%) adalah lebih tinggi pada umur kurang 5 tahun.
5. Hasil tinjauan NHMS 2015 juga mendapati prevalen kurang berat badan (24.6%) dan terbantut (22.7%) adalah paling tinggi dalam etnik lain-lain manakala prevalen obesiti (13.0%) paling tinggi di kalangan etnik Cina.